



Gweinyddiaeth Cyfiawnder

NODYN GAN Y WEINYDDIAETH GYFIAWNDER

Annwyl Ddefnyddiwr y Llys Teulu,

Rydych wedi cael y nodyn hwn oherwydd eich bod wedi gwneud cais cyfraith deulu breifat i'r llys teulu ond nad ydych wedi cael eich gwrandawriad cyntaf eto. Gall achosion llys gymryd misoedd i'w cwblhau, felly roeddwn i eisiau eich hysbysu am ffyrdd eraill i ddod i gytundeb i'ch plentyn/plant, a'r cymorth ariannol sydd ar gael i helpu chi am gyfnod penodol.

A ydych yn gwybod bod 9 allan o 10 o rieni sy'n gwahanu yn dewis dod i gytundeb am eu plant y tu allan i'r llys? Gall gweithio gyda chyfryngwr teulu arbenigol eich helpu i ddod i gytundeb unigryw sydd wedi'i deilwra i'ch sefyllfa chi. Gellir dod i gytundeb trwy gyfryngu yn llawer cyflymach na thrwy achos llys, ac mae'r dystiolaeth yn dangos eu bod yn para'n hirach hefyd.

Efallai nid ydych yn gyfarwydd gyda chyfryngu teuluol. Tri pheth pwysig i wybod yw:

1. Nid yw cyfryngu yr un peth â chwnsela. Mae yno i'ch helpu i gytuno ar drefniadau ariannol penodol neu drefniadau mewn perthynas â'ch plentyn(plant).
2. Mae cyfryngwyr wedi'u hyfforddi i ddod â phartïon at ei gilydd i ddod i gytundeb, hyd yn oed os yw un o'r partïon yn amheus neu'n gyndyn o fod yn rhan o gyfryngu.
3. Os ydych yn poeni am orfodi cytundeb a wnaed wrth gyfryngu, mae'n bosibl gwneud cais i'w cael wedi ffurfioli drwy'r llys trwy broses o'r enw 'gorchymyn cydsyniad'. Gallwch ofyn i'ch llys lleol am y broses hon.

Ar hyn o bryd, am gyfnod cyfyngedig, gallwch wneud cais am daleb i dalu'r cyfan neu ran o'ch costau cyfryngu. Gallwch gael gwybod a yw cyfryngu yn addas i chi a'ch teulu drwy gysylltu â chyfryngwr sy'n gallu eich arwain drwy'r camau nesaf. Mae manylion cyswllt ar gyfer cyfryngwyr teuluol ledled y wlad i'w gweld yma: [Dewch o hyd i'ch cyfryngwr lleol - Cyngor Cyfryngu Teuluol](#). Mae llawer o gyfryngwyr bellach yn gweithio o bell felly nid oes angen iddynt fod yn lleol i chi hyd yn oed i allu helpu.

Os byddwch yn dewis bwrw ymlaen, gall **Cynllun Talebau Cyfryngu Teuluol y Weinyddiaeth Gyfiawnder gynnig cyfraniad o hyd at £500 tuag at y costau cyfryngu**. Gallwch gysylltu â'ch llys lleol i ohirio eich achos ac yna ei dynnu'n ôl os byddwch yn dod i gytundeb trwy gyfryngu. Ar gyfartaledd, dim ond cais am £436 y

bydd defnyddwyr y cynllun talebau yn ei wneud ac felly does dim angen iddynt wneud unrhyw gyfraniad o gwbl.

Ewch i wefan y Cyngor Cyfryngu Teuluol - www.gov.uk/guidance/family-mediation-voucher-scheme - a nodwch ychydig o'ch manylion sylfaenol i gael rhestr o gyfryngwyr teuluol arbenigol sy'n gallu helpu gyda'ch achos.

Mae cyfryngu yn annhebygol o fod yn addas i chi os yw eich cais yn cynnwys pryderon amddiffyn plant neu honiadau o gam-drin. Os yw hyn yn wir i chi, dylech fwrw ymlaen gyda'ch cais i'r llys.

Os nad ydych yn siŵr a yw eich achos yn addas ar gyfer cyfryngu, mae cyfryngwyr teuluol yn gallu trafod hyn gyda chi a'ch helpu i ddod o hyd i'r ffordd gywir o ddod i gytundeb i chi a'ch plentyn(plant). Os ydych yn gyfreithiwr sy'n derbyn y llythyr hwn ar ran eich cleient , rhannwch yr wybodaeth hon ag ef/hi.